

su zaključeni ili će biti zaključeni sporazumi o saradnji, u cilju realizacije obaveza iz tih sporazuma.

VII.

Ured podnosi Vladi Kantona izvještaj o izvršavanju djelatnosti iz tačke II. ove odluke, najmanje jedanput godišnje, a po zahtjevu i za druge periode.

Kabinet podnosi Vladi izvještaj o izvršavanju finansijskih obaveza.

VIII.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-2190-7/11
9. februara 2011. godine
Sarajevo

Premijer
Fikret Musić, s. r.

Na osnovu člana 7. st. (2) i (3) Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03 i 34/03), čl. 25. i 34. Zakona o ustanovama ("Službeni list RBiH", br. 6/92, 8/93 i 13/94), člana 36. Okvirnog zakona o predškolskom odgoju i obrazovanju u Bosni i Hercegovini ("Službeni glasnik BiH", broj 88/07), čl. 46. i 50. Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08 i 21/09) i čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na Četvrtj sednici održanoj 9. februara 2011. godine, donijela je

ODLUKU

O STANDARDIMA I KRITERIJIMA ZA

NOMINOVANJE/IMENOVANJE NA POZICIJU

PREDSJEDNIKA I ČLANOVA UPRAVNOG I

NADZORNOG ODBORA JAVNE USTANOVE "DJECA

SARAJEVA", ČIJA KONAČNA IMENOVANJA VRŠI

VLADA KANTONA SARAJEVO

I.

Ovom odlukom Vlada Kantona Sarajevo (u daljnjem tekstu: Vlada) utvrđuje standarde i kriterije za nominovanje/imenovanje na poziciju predsjednika i članova Upravnog i Nadzornog odbora JU "Djeca Sarajevo" (u daljnjem tekstu: Javna ustanova).

II.

Za predsjednika i člana Upravnog odbora i predsjednika i člana Nadzornog odbora u Javnoj ustanovi iz tačke I. ove odluke može biti nominovan/imenovan kandidat koji ispunjava sljedeće opće uvjete:

- da je stariji od 18 godina;
- da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana objavljivanja upražnjene pozicije;
- da se na tog kandidata ne odnosi član IX 1. Ustava Bosne i Hercegovine;
- da nije osuđivan za krivično djelo i za privredni prestup nespojiv sa dužnošću u Upravnom odboru i Nadzornom odboru Javne ustanove;
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine ("Službeni glasnik BiH", br. 16/02, 14/03 i 12/04).

Pored navedenih općih uvjeta, kandidat koji se nominuje/imenuje za poziciju predsjednika i člana Upravnog odbora i predsjednika i člana Nadzornog odbora Javne ustanove treba da ispunjava i sljedeće posebne uslove:

- da posjeduje univerzitetsku diplomu i najmanje 5 (pet) godina radnog staža u struci;
- da nema privatni finansijski interes u Javnoj ustanovi u čiji se Upravni ili Nadzorni odbor imenuje;

- da nije direktor odnosno pomoćnik direktora predškolske ustanove,
- da ima status zaposlenika /stručnog radnika u Javnoj ustanovi, odnosno status roditelja/staratelja djece korisnika usluga Javne ustanove (za članove - predstavnike tih struktura) osim člana Upravnog ili Nadzornog odbora Javne ustanove koji je predložen od strane resornog ministarstva,
- da nije član više od jednog upravnog ili nadzornog odbora.

III.

Upravni odbor Javne ustanove broji pet (5) članova.

Nadzorni odbor Javne ustanove broji tri (3) člana.

Predsjednika i članove Upravnog i Nadzornog odbora Javne ustanove imenuje Vlada i to na način, tako što će se primijeniti kriteriji utvrđeni u članu 36. Okvirnog zakona o predškolskom odgoju i obrazovanju u Bosni i Hercegovini ("Službeni glasnik BiH", broj 88/07) odnosno u čl. 46. i 50. Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08 i 21/09) i da se od kandidata koji su se prijavili na Javni oglas:

- jedan (1) član, odnosno predsjednik Upravnog odbora Javne ustanove imenuje se na prijedlog Ministarstva obrazovanja i nauke Kantona Sarajevo (u daljnjem tekstu: Ministarstvo);
- dva (2) člana Upravnog odbora imenuju se iz reda zaposlenika Javne ustanove koje predloži Stručno vijeće odgajatelja;
- dva (2) člana Upravnog odbora imenuje se iz reda predstavnika roditelja koje predlaže Vijeće roditelja Javne ustanove;
- jedan (1) član odnosno predsjednik Nadzornog odbora Javne ustanove imenuje se na prijedlog Ministarstva;
- jedan (1) član Nadzornog odbora imenuju se iz reda stručnih radnika Javne ustanove koje predloži Stručno vijeće odgajatelja i
- jedan (1) član Nadzornog odbora imenuje se iz reda predstavnika općine na čijem području se nalazi predškolska ustanova.

IV.

Prilikom primjene standarda, Vlada neće vršiti diskriminaciju prema bilo kome na osnovu rase, nacionalnog ili etničkog porijekla, boje kože, vjere, spola, bračnog statusa, porodičnog statusa, invalidnosti ili zbog postojanja presude za koju je izrečeno pomilovanje.

V.

Na osnovu općih uvjeta utvrđenih u članu 7. stav (1) Zakona o ministarskim, vladinim i drugim imenovanjima Federacije BiH i standarda i kriterija iz tačke II. ove odluke, Ministarstvo će, shodno odredbama čl. 8. i 9. Zakona o ministarskim, vladinim i drugim imenovanjima Federacije BiH ("Službene novine Federacije BiH", br. 12/03 i 34/03) i člana 36. stav (3) Okvirnog zakona o predškolskom odgoju i obrazovanju u Bosni i Hercegovini ("Službeni glasnik BiH", broj 88/07), objaviti oglas za imenovanje predsjednika i članova Upravnog odbora i predsjednika i članova Nadzornog odbora Javne ustanove iz tačke I. ove odluke u "Službenim novinama Federacije BiH" i najmanje u jednom dnevnom listu velikog tiraža.

VI.

Postupak izbora predsjednika i članova Upravnog i Nadzornog odbora Javne ustanove obavlja se u skladu sa odredbama:

- Zakona o ministarskim, vladinim i drugim imenovanjima Federacije BiH ("Službene novine Federacije BiH", br. 12/03 i 34/03),
- Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08 i 21/09) i

- Okvirnog zakona o predškolskom odgoju i obrazovanju u Bosni i Hercegovini ("Službeni glasnik BiH", broj 88/07).

Ministar obrazovanja i nauke Kantona Sarajevo (u daljnjem tekstu: ministar) je obavezan izvršiti obavezu utvrđenu u članu 46. stav (7) Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08 i 21/09), i kroz donošenje Pravilnika o izboru i imenovanju upravnih i nadzornih odbora predškolskih ustanova u Kantonu Sarajevo, osigurati poštivanje i primjenu principa utvđenih u Zakonu o ministarskim, vladinim i drugim imenovanjima Federacije BiH i Okvirnom zakonu o predškolskom odgoju i obrazovanju u Bosni i Hercegovini.

Ministar je obavezan osigurati da poslovnik o radu Upravnog/Nadzornog odbora Javne ustanove efektivno i efikasno uredi rad tih organa.

VII.

Ministar predlaže Vladi sastav komisije za izbor predsjednika i članova Upravnog/Nadzornog odbora Javne ustanove.

VIII.

Standardi i kriteriji za nominovanje/imenovanje čuvaju se u evidenciji Vlade i Ministarstva.

IX.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-2190-14/11
9. februara 2011. godine
Sarajevo

Premijer
Fikret Musić, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 29. st. 2. i 5. Zakona o ustanovama ("Službeni list RBiH", br. 6/92, 8/93 i 13/94) Vlada Kantona Sarajevo, na Četvrtoj sjednici održanoj 9. februara 2011. godine, donijela je

ODLUKU

O DAVANJU SAGLASNOSTI UPRAVNOM ODBORU JAVNE USTANOVE "KANTONALNI CENTAR ZA SOCIJALNI RAD" ZA IMENOVANJE DIREKTORA

I.

Daje se saglasnost Upravnom odboru Javne ustanove "Kantonalni centar za socijalni rad" da se MIRSADA POTURKović, diplomirani socijalni radnik, imenuje za direktora Javne ustanove "Kantonalni centar za socijalni rad" na mandatni period od četiri (4) godine.

II.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-2190-8/11
9. februara 2011. godine
Sarajevo

Premijer
Fikret Musić, s. r.

Na temelju člana 28., a u vezi sa članom 29. Ustava Kantona Sarajevo ("Službene novine Kantona Sarajevo", broj 1/96) i člana 3., a u vezi sa članom 22. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na Trećoj sjednici održanoj 1. februara 2011. godine, donijela je

ODLUKU

O RAZRJEŠENJU VRŠIOCA DUŽNOSTI DIREKTORA JAVNE USTANOVE "DJECA SARAJEVA"

I.

Ovom odlukom razrješava se ARZIJA MAHMUTOVIĆ, vršilac dužnosti direktora Javne ustanove "Djeca Sarajeva", zbog isteka perioda imenovanja po Odluci Upravnog odbora Javne ustanove "Djeca Sarajeva", broj 01-3-22/10 od 08.04.2010. godine.

II.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-1741-3.1/11
1. februara 2011. godine
Sarajevo

Premijer
Fikret Musić, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), kao i člana 34. stav 3. Zakona o ustanovama ("Službeni list RBiH", br. 6/92, 8/93 i 13/94), a u vezi sa članom 4. tačka 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03 i 34/03), Vlada Kantona Sarajevo, na Četvrtoj sjednici održanoj 9. februara 2011. godine, donijela je

RJEŠENJE

O IMENOVANJU V. D. PREDSJEDNIKA I V. D. ČLANOVA NADZORNOG ODBORA ZAVODA ZDRAVSTVENOG OSIGURANJA KANTONA SARAJEVO

I.

Imenuju se v. d. predsjednika i v. d. članova Nadzornog odbora Zavoda zdravstvenog osiguranja Kantona Sarajevo, i to:

1. Mr. sc. OGNJEN SAMARDŽIĆ, predsjednik
2. Dr. AMRA PUHALOVIĆ, član
3. SAIDA ĐEČEVIĆ, dipl. ecc. član.

II.

Imenovanje iz tačke I. ovog rješenja vrši se do okončanja procedure Javnog oglasa i konačnog imenovanja, a najduže na period od dva (2) mjeseca.

III.

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-2190-16/11
9. februara 2011. godine
Sarajevo

Premijer
Fikret Musić, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), kao i člana 34. stav 3. Zakona o ustanovama ("Službeni list RBiH", br. 6/92, 8/93 i 13/94), Vlada Kantona Sarajevo, na Trećoj sjednici održanoj 1. februara 2011. godine, donijela je

RJEŠENJE

O RAZRJEŠENJU PREDSJEDNIKA I ČLANOVA NADZORNOG ODBORA ZAVODA ZDRAVSTVENOG OSIGURANJA KANTONA SARAJEVO

I.

Razrješavaju se dužnosti predsjednik i članovi Nadzornog odbora Zavoda zdravstvenog osiguranja Kantona Sarajevo, zbog isteka mandata, i to:

1. SAMIR FELAH, predsjednik
2. TENAIDA ČOŠIĆ, član